

上海圖書館

索書號碼 _____

登記號碼 000946

顧小厓世系

雍正乙卯閏四月撰

遥遥華胄。昔所見哂也。狄武襄不遠溯梁公。世所見許也。顧疑者必闕。生民各有厥初。既信且徵矣。而漠然置之。能慰於中乎。誰非炎黃之苗裔。冢子家相而下。億兆有同堂之誼。矧祖孫之似續也。顧氏自兩京而後。著於江南。元歎希馮。世濟其美。雖佐偏安。聲稱爛焉。至若道達仲容。父子高蹈。不。其片。黨錮之禍。千里之不仕居攝。豈非所謂既明日。緯。遼際永平。尤返軌已。皆為吾所自出。胡能



自今而上追秦漢間有隱而不章者無狼籍

豈得掩也第吾家自榮三公徙滙以來惟耕

顯迹目前各支日就零落惟南雲公一支稍留生意耕

之天不亦可悟也夫不亦可懼也夫成天自序

一世諱安朱

伯歷子世王東甌秦并天下廢其地為閩中郡以公為郡長生子搖自夏少康封子傲為顧侯錫土會稽沒於商武王克商復封無暉於越仍都會稽康王以無暉為顧侯之後賜姓顧歷二十世至允常生勾踐又六世至無疆威烈王乙亥厄於楚季

子無壬竄於閩。鳩遺民自立。傳曾孫伯歷。生安朱。顧氏之統系如此。生民祖后稷。諸侯不祖天子也。論世祖安朱。匹夫不祖國君也。

二世諱搖

安朱子。字毋餘。生有異質。烏喙龍額。怨秦廢地。潛身觀變。從漢破秦。初封海陽侯。食邑一千七百戶。孝惠三年。舉高帝時平粵功。立為東海王。都於東甌。號東甌王。謚信。生子昭襄。

三世諱昭襄

搖子。一名期視。高后稱制。上表辭王爵。封為齊侯。文帝封顧余

衛小月世系
二
侯。在位九年。謚悼。塚在永嘉西甌浦。今崇祀海壇山。生子建。

四世諱建

昭襄子。漢文帝元年。襲封侯爵。景帝七年。卒。謚康。生三子。省。貴。敖。

五世諱貴

建次子。襲兄侯爵。元狩三年。為閩粵王。即所侵。奉版圖內屬。武帝封馳義侯。徙其民於江淮。元狩五年。擊南粵滅之。六年。命擊東粵有功。封吳侯。居姑蘇。後坐累國除。謚毅。生子翱。

六世諱翱

貴子。字羽南。以父功高見廢。與母隱居湖濱。母好食雕胡飯。公率子女採擷供母。太湖中悉生雕胡。人謂孝感所致。昭帝始元二年。旌孝子。生二子。經。綸。經無子。雕胡即芟米。今湖中產此。

七世 諱 綸

翺次子。字文成。宣帝本始四年。舉賢良。拜郎中令。生二子。龍。鯤。鯤無考。

八世 諱 龍

綸長子。字時化。神爵四年。為都尉。生子大成。

九世 諱 大成

龍子。字集之。成帝建始元年。舉賢良方正。詔賜光祿大夫。生子
邦。

十世 諱 邦

大成子。字千里。經明行脩。顯名當時。以王莽居攝不仕。建武二
年始仕。生子安。

十一世 諱 安

邦子。字靜心。光武建武五年。與將軍吳漢等。擊斬劉永。所立海
西公董憲。及叛將龐萌。遂平江淮。遷東萊太守。生子綜。

十二世 諱 綜

安子字文緯辟有道科歷御史尚書令明帝永平二年上臨雍
行養老禮以公與李庚為三老桓榮為五更人稱殿上三老見
唐裔孫况所撰廟堂碑墓在蘇州婁門外生二子林木木無考
賢遊太尉楊震過公必對談竟日而去生子奉

十三世諱林

十四世諱奉

林子字季鴻習嚴氏春秋延喜九年甘陵薦為潁川太守生子

通

十五世 諱通

奉子。字道達。為光祿勳。漢安元年。李回引之不就。黨錮禍作。遂
隱聚鳩山中。生子融。

十六世 諱融

通子。字仲容。竇武薦為荊州刺史。不受。退處山野。生二子。向。淑。

十七世 諱向

融長子。字遵道。精卜筮。歷四縣令。皆有仁政。仕吳為前將軍。累
遷尚書屯田郎。生二子。雍。徽。

十八世 諱雍

向長子。字元歎。為合肥長。轉委曲阿上虞。俱有政績。孫權領會稽太守。以公為丞。行太守事。權為吳主。累遷大理。奉常。領尚書令。封陽遂侯。拜侯還寺。而家人不知。黃武四年。迎母于吳。既至建業。吳主率其子拜母於堂。公卿大臣畢會。代孫邵為丞相。進醴陵侯。察民隱。精選用。凡職政所宜。皆密以聞。為相十九年。赤烏六年。有疾。權令醫趙泉視之。拜公少子濟為騎都尉。公聞曰。泉善別生死。上欲及吾目。見濟拜也。卒年七十六。吳主縞素臨泣。生三子。邵。濟。穆。

十九世諱濟

雍次子。字周則。父疾。吳主至寢所視疾。見公有戚容。與語多經濟。拜為騎都尉。生二子。麓。堃。麓無考。

二十世 諱 堃

濟次子。字大同。少從叔父容學。容異之。曰此我家飛駿也。為諸暨長。擢建武校尉。遷文成將軍。後改名預。生子顯。

二十一世 諱 顯

堃子。字孟著。九歲時。依從祖容學。令賦蟬詩。應聲曰。騰身朽壤。流聲遙碧。端纓以翔。高冠斯集。容大驚異。遂有重名。轉秣陵令。累官散騎常侍。生子炯。

二十二世諱炯

顯子。字漢公。少任俠。學擊劍射獵。散家財購駿馬寶刀。父怒。毀刀劍。殺馬餉耕者。遂折節讀書。十年不出。桓温薦為內史。累加奮威將軍。司空。御鑿。每有疑事。輒就決。常謂人曰。漢公如菽。不見其異。殊不可少。生子盛。

二十三世諱盛

炯子。字子恭。生二子。平叔。穎叔。穎叔徙丹徒。無考。

二十四世諱平叔

盛子。字坦一。生二子。延之。立之。

二十五世諱延之

平叔長子。字集賓。少有文學。舉秀才。宋永初中。補中書舍人。子二。璋。璪。璋無考。

二十六世諱璪

延之次子。字玉吾。齊武帝永明初。徵為太學博士。時王融謝朓沈約文競雕靡。公為文古練不合。退養母。以孝聞。生二子。昌衍。昌慶。

二十七世諱昌衍

璪長子。字世繁。事父盡孝。王儉薦為尚書庫部郎。子時秀。

二十八世諱時秀

昌衍子。字子喬。梁東中郎。武陵王府參軍。生子烜。

二十九世諱烜

時秀子。字信威。為臨賀王記室。兼本部五官掾。以儒術知名。誥封黃門侍郎。生子野王。

三十世諱野王

烜子。字希馮。先名體倫。九歲能屬文。常著日賦。年十二從父之建安。撰建安地記二篇。長而遍觀經史。無所不通。為臨賀王記室。善丹青。侯景亂。丁父憂。歸吳郡。乃召募鄉里。隨義軍赴援。公

素清羸。又居喪過哀。及杖戈披甲。抗詞作色。見者莫不壯之。臺城陷。奔會稽。尋往東陽。與劉歸義合軍。據城拒賊。侯景平。太尉王僧辨使監海鹽。陳文帝天嘉中。補撰史學士。太建中為太子率更令。領大著作。掌國史。知梁史事。遷黃門侍郎。光祿卿。卒。贈秘書監。右衛將軍。世居蘇之。光福山。山之西。鄧尉銅井銅坑。聚塢諸峰。蜿蜒環列。子孫咸聚處焉。墓在吳縣楞伽山中。越來溪上。生五子。盛南。鴻南。周南。夏南。允南。

三十一世 諱鴻南

野王次子。字扶九。陳自吳明徹之敗。每慮敵南侵。大建九年。周

武滅齊。耀兵江上。舉國震恐。公以侍御史出鎮臨淮。行荆徐刺
史事。號令嚴明。甲仗整肅。敵不敢犯。以功封寧遠侯。生子冕。

三十二世 諱冕

鴻南子。字用賓。大業六年。為司隸大夫。義寧元年。從李密等破
洛口倉。後從秦王入關。補晉陽守。生二子。曰鉉。曰太和。

三十三世 諱鉉

冕長子。字爾調。永徽元年。為諫議大夫。生子奎。

三十四世 諱奎

鉉子。字文葆。永淳中。為河源軍經畧副使。吐蕃入寇。大破之。遷

兵部尚書令生子淦

三十五世 諱淦

奎子。字子滌。乾封元年。為監察御史。與李義甫有隙。遂隱居不仕。生子承禎。

三十六世 諱承禎

淦子。字體應。唐德宗貞元中。舉進士。為武陽令。以寬大為政。民不知勞。擢為大司馬參軍。少以學術負中外望。郭子儀、李懷光交薦之。為左丞。辭不就。尋擢為司農卿。告老歸。遷淮安海州。僖宗乾符三年卒。生二子。士雅、士服。

三十七世諱士雅

承禎長子。字君詩。唐德宗貞元中。為五經博士。生子文龍。

三十八世諱文龍

士雅子。字應揚。唐敬宗寶曆中。以画名世。人爭致之。年八十二卒。生子慈。

二十九世諱慈

文龍子。字彥暉。以字名。為東川節度使。王建忌之。違詔連年進攻城。陷。舉家殉節。幼子忻嗣。

四十世諱忻

慈幼子。行十六節。幹甫十歲。罹父東川之變。同母錢氏逃歸。跋
涉萬里。瀕險抵家。母以震驚受疾。每旦雞鳴。具冠帶。率妻子詣
問所欲。候寒暄者五十年。母老不能視。日夜號泣。祈天。目忽明。
燭下猶能縫補。年九十餘。無疾而卒。母喪不食膏粱。不聞音樂。
居秦州。誌稱孝子。生三子曰。德敷。德聞。德施。德敷。德施無考。

四十一世 諱德聞

忻次子。太宗至道間。武舉登第。任武畧將軍。至昭義將軍。西夏
入寇大順。公率將趙明與子震之先鋒戰死。贈龍虎將軍。上護
國。生二子。震之。與之。

四十二世諱吳之

德聞次子。字順義。大中祥符間。為兗州判生。二子。瑤玉。瑤玉。

四十三世諱瑤玉

吳之長子。字良甫。寶光中。由太學生擢延州判生。二子。曰嚴。曰

敬。

四十四世諱嚴

瑤玉長子。字聞璇。生二子。曰敬。曰取。取無考。取音堅。即古賢字。

四十五世諱敬音賢。荆楚間謂蒿為敬。

嚴長子。字明瑞。行十九。大夫。摺宗元祐丙寅。應經明行修詔。仕

至大名守嘗與從兄臨同會蘇東坡齋把酒論文竟夕因同歸
光福山致祭墓下今子孫徧於婁東兩吳稱東墻門支生二子
曰沐曰濬

四十六世諱濬

葭次子生二子彦秀彦長彦秀後無考

四十七世諱彦長

吳門世譜書無考大約遷餘杭自公始也

濬次子字失傳生子演才。瀟風涇金譜裔孫環芳序曰康熙
十有一年雲間宗長上瀾攜監官續譜見示中載希馮公一十
七世孫彦長子即萬六公諱疑之為徵雲間崇明諸本而彦長

下不見全文。終不敢信。三十四年秋。季弟邁賢訪上瀾于西城。具道昔年海寧修輯時。宗長諱岸登名佐兩公。於九都呂蒙宗家。檢其舊藏。逋翁華陽集版中。得族譜世次古版。內刊清風涇支祖行諱爵里一方。久留架上。今并奉為徵案。持歸驗之。詳開彥長生萬六承事演才。行萬六承事。為華亭尉。後無考。雖剝蝕若蠹。而前文歷歷曠世之感懷。二十年之積疑。遂一朝盡釋焉。
成天 按吾家溯源至萬六公而止。得吾宋梅伯氏之考據。而失傳之緒。遂以炳續。故詳載以示後。

四十八世諱演才

按公曾祖尚在蘇入浙必自彥長公始

彥長子稱萬六公。以清風。涇始遷祖也。原籍餘杭。宋季為華亭

尉。罷官家焉。不過構數椽於野田中耳。今十七世孫洪憲家。尚

存宋時堂構。墓在清風。涇。子三人。曰福一。曰五哥。曰千三。清風涇支。

皆千三後。南滙支。皆福一公後。

四十九世 諱福

演才長子。稱福一秀。始與二弟比閭而居。至治間。遜居與弟。而

構舍以處。子一。曰正五。

五十世 諱正

福一子。稱正五秀。子一。曰季英。

五十一世 諱季英

正子。稱季一。即子二曰榮一。曰榮三。榮三名仲榮。

五十二世 諱仲榮

季英次子。字榮三。即遷南滙始祖也。墓在巨漕。土人呼朝陽墳。原住清風涇。與胞兄榮一。堂弟仲二公同居。遷洪武二十四年。雍正乙卯前四月。成天奉主入清風涇宗祠。子二。長文忠。次文彬。配李氏。合葬巨漕。

五十三世 諱文忠

仲榮長子。子四人。伯昱。伯亨。伯通。伯達。

五十四世 諱伯昱

文忠長子。生卒無考。子三。曰嘯。曰彥祥。曰彥禎。

五十五世 諱嘯

伯昱長子。生卒無考。子一曰容。

五十六世 諱容

嘯子。子一曰達。生卒無考。

五十七世 諱達

容子。字雲衢。生卒無考。子四人。雄。本。倫。恒。初遷南匯城。

五十八世 諱恒

遶三子。字樂琴。生卒無考。五子。景暘。景昉。景晞。景時。景暉。景賜。
景暉。景時。無考。

五十九世諱景昉

恒子。字海雲。生卒失傳。元配王氏。繼配李氏。子三。緒。綵。經。

六十世諱綵

景昉次子。字南雲。積德累功。善行載入郡縣誌。生於嘉靖丁酉年十二月。卒於萬曆壬子年二月。元配徐氏。生於嘉靖丁酉年二月初七未時。終於天啓壬戌年二月三十日戌時。合葬七灶港主穴。子三。允科。廷問。廷對。女二。一適董。一適喬。

六十一世諱廷問

綵次子。字岱字。金山衛廩膳生。貢入太學。生于嘉靖丁巳年二月初五申時。卒於萬曆庚申九月廿一寅時。元配卞氏。生於嘉靖乙卯年二月初七申時。卒於崇禎庚辰年八月廿四辰時。合葬南雲公墓。

六十二世諱國憲

廷問長子。字如蘭。太學生。誥封文林郎。生於萬曆癸未年八月。卒於順治壬辰年十二月。元配方孺人。崇禎癸未進士。應選姪女。生於萬曆辛巳六月十七未時。卒於順治戊戌年十一月初

七寅時合葬下沙七帶山主穴。子一。其言。女一。適同城王氏。

六十三世諱其言

國憲子。字公綸。號介石。崇禎己卯舉人。庚辰進士。任廣東香山縣。行取工科。生於萬曆丁未年六月廿一。子時卒於康熙癸未年閏六月。元配李孺人。萬曆己丑進士尚袞孫女。庠生果薰女。生於萬曆丙午年十月十四亥時。卒於康熙庚戌年正月初八。合葬下沙七帶山正昭。子五。昌尹。昌時。昌熊。昌彰。昌祚。女一。適喬氏。賧飢弭盜治績。詳粵東志。

六十四世諱昌祚

其言第五子。字受周。號忍園。康熙己酉舉人。仕湖廣永州府江華縣。調山東萊州府經歷。生於崇禎辛巳年十月十三子時。卒於康熙甲申年四月。元配張孺人。崇禎戊辰進士。太常卿元始孫女明經鶚女。生於崇禎壬午年十一月初三辰時。卒于康熙甲申年五月。合葬南滙縣西關外一灶港主穴。大宗伯吳公襄作誌銘。副憲李公徽作墓表。子三人。長用烈。次成天。季用芳。用芳早卒。成天次子賓鴻嗣。女二。長適青村宋氏。建節孝坊。并入節孝祠。次適上海曹氏。遺書衍範二卷。

六十五世名成天

昌祚次子字良哉號小厓康熙十年辛亥二月初三寅時生康熙丁酉科舉人雍正庚戌。欽賜進士官翰林院編修元祀周氏順治己丑進士浙江處州知府茂源孫女考授府判緯女子二長賓日次賓鴻俱。欽賜監生賓鴻嗣用芳後。

譜牒甚繁約從本身數之其為世如此有歲譜者出以相證世次可求遠可邇在茲矣只為子孫永言孝思皆當追遠禘之說豈特天子宜深知諸侯卿大夫以逮士庶無不宜知匹夫而能宥羣生無非追遠之意耳矣成天識

雍正乙卯閏四月間居獨坐按全譜作此世系以示吾子吾

孫發水源木本之思。動子孝父慈之隱。人家譜牒。雜考者多。
幸吾顧氏。分明若此。以清風汪宋梅伯氏。諱環。芳所貽也。實
之貴之。勿褻而失之。其似而續之。則為良子孫矣。成天再識
自五世公貴。居姑蘇。後至十二世文緯公。墓在蘇州婁門外。
十五世道達公。隱蘇聚塢山中。縣延三十世希馮公。世居蘇
之光福山。三十六世體應公。遷淮安海州。四十七世公忻。又居
泰州。四十五世明瑞公。與其從兄臨。同歸光福山。四十八世
萬六公。不知何時遷餘杭。乃因宦游家清風汪上。據言餘杭
支甚盛。總而言之。跡肇會稽。後則姑蘇為主。而他皆散處。家

自為譜不能据集以考源流久更雜詰筆以以存敬宗收族
之意云成天三識

清故文林郎江華縣知縣萊州府經歷顧忍園先生
墓表

桐溪後學李 徽撰文

同郡年侄王圖炯書丹

先生諱昌祚字受周江南松江府上海新分南匯縣
人前崇禎庚辰進士歷任工科給事中粵東名宦介
菴先生之季子也康熙己酉舉順天鄉試第六人甲
戌筮仕湖南永州府江華縣靖盜平刑清而能斷四
境帖然戊寅左遷山東萊州府經歷甲申以賑飢巡

警弗避艱辛病卒萊州任所距其生崇禎辛巳得年
六十有四生平大節介如細行必謹研精道妙博極
羣言著有衍象五十四卷火發不全惟衍範二卷行
世與張孺人合葬南滙西郊三里一竈港北新阡子
三長用烈季用芳仲成天康熙丁酉科舉人雍正庚
戌以忠孝之忱受知

聖主賜進士授館職供奉

內廷余讀衍範書後而得先生之遺事焉其一曰余與
忍園先生同出山右介夫子門夫子孤標獨往卽遊

其門者罕所當意先生膺首薦嘗曰吾得其文並得其人喜而不寐又曰其出宰楚南也邑介兩粵間苗蠻雜處素多盜白晝剽行旅前令率置不問民窮於控訴委之爲命先生至則首以息寇寧民諸策上之當事當事者樂言無事以相粉飾晉謁則謂曰爾毋書氣先生復縷陳便宜至於面折可否當事者勃然變色曰爾曷不歸鋤爾田耶先生曰官其地而不能惠其人置令何爲歸吾志也當事者惡之欲中以危法然終怵於清議遂得降調既補萊州叅軍親串

友朋之在都下者共祖其行而惜之先生亦怡然無
幾微嘆嗟意以上蓋得之先生同門友崑山徐果亭
先輩云予再讀衍範書後而悉先生之家聲焉其一
曰江之南有親昆弟並臻雋妙而較然異致者得二
士焉曰顧子承哉良哉承哉之文長河洋洋良哉之
文白石鑿鑿承哉之文爛若精金良哉之文栗若良
玉承哉不幸早卒良哉丁酉始舉於鄉戊戌下第後
予復延致蘿川得讀其尊人忍園先生衍範一書肅
衣冠而起想見先生淵渟嶽峙氣象造道之深如此

宜乎二難之蓄極而通光彩煥發也又曰時良哉挈
其長郎羲秩在舍予以亡弟六齋之子妻之樂潛德
爾以上蓋得之蔚州敏果公令嗣江南督學使者魏
一齋先輩云旣讀先生自序而後畧覩先生之微言
奧義也自序曰予旣獲以微罪謝江邑事復承乏萊
郡功曹所謂時清未忍說投閒也公餘無所爲樂與
諸君子往復討論諸君子亦不鄙夷朝夕過從經史
燦然盈案旣成衍象一書以相質正而是說也未敢
公諸同志特授兒曹爲啓發之資又曰循是而徧羣

書可也循是而守一經可也若夫高明之士目擊道
存此皆糟粕煨燼矣後之學者欲窺先生極深研幾
敦倫飭紀之要旨舍衍範奚適焉竊惟洪範之傳本
諸箕子箕子曰天乃錫禹洪範九疇彝倫攸敘矣而
九疇之目弗著於虞夏秦漢以還好學深思心知其
意者才得一宋之西山氏耳越數百年而又得先生
焉先生所著與西山先生之言識解相似風骨亦相
似西山仲子九峯以說經傳後世而先生仲子編修
直以授經顯當時其淬礪於前而光昭於後者舉無

弗相似也惟是西山述範頗詳於數而先生之衍範也獨宗其理如云孔子之心堯舜禹湯文武周公之心也堯舜禹湯文武周公之心天下萬世生民之心也天下萬世生民之心皇極之理也舍是而言道學言學道無所謂學無所謂道也雖曰有之吾未之前聞也可不謂善言理善言心善言學與道者哉是當大書隧前以詔後來之學範者

清故文林郎江華縣知縣萊州府經歷顧忍園先生
墓誌銘

九華後學吳 襄撰文

同里後學凌如煥書丹

聖祖仁皇帝建用皇極以敷錫天下尊崇儒術凡經傳微言
洛閩緒論極深研幾折衷於一其時宿儒鉅公接跡
臺閣下至海隅僻壤好學力行阨窮之士莫不講明
王路油然會歸郁郁乎文明廣被所謂見而知之豈
獨在廷左右哉若上海顧先生忍園其彰明較著者

也先生諱昌祚中康熙己酉順天第六初令湖廣江
華子惠惟恐不及事不避難以建白忤上官意叱曰
書歎盍歸鋤爾田對曰歸固某志官其土如不能惠
其人何長揖而出未幾調萊州經歷甲申四月卒於
任年六十有四卽於是年冬十二月葬上海南滙城
西郊三里一竈港北今屬南滙縣旣葬三十有一年
仲子成天謀下墓石奉所著衍範上下篇詣予乞銘
其書推明儒者之道爲君師之總統不可分也君師
之統分則道學之爭亟或見而知或聞而知所知何

在皇極焉爾其辭貫穿反覆鈎深抉微不限訓詁而
平正切實經心聖域日月揭而江河行也大哉道統
歸於上

聖聖相繼集君師成而達於天下著於萬世於是書發其凡
矣考諱其言崇禎庚辰進士仕至工科給事中有文
行世祖諱國憲贈文林郎妣封孺人李氏祖妣贈太
孺人方氏配贈孺人張氏明太常卿元始孫女歲貢
生鏐女合葬新兆子三長用烈廩膳生季用芳國學
生早卒仲成天康熙丁酉舉人雍正庚戌

欽賜進士官翰林院編修能守其家學孫男五人曾孫男
六人先生於崇禎辛巳十月十三日生廣東香山縣
弱不好戲居處必莊雖親狎相見盛暑必肅衣冠執
親喪服闋且半載始與讌會屢因公事入長安有招
之者笑而不應令江邑五年去之日民扶老攜幼追
送三百里外事詳南邑志資通敏於經無所不習尤
邃於易讀之積萬徧在萊日與諸生講貫往復成衍
象五十四卷一夕燼於火惟衍範存公旣沒仲子成
天復追記其語易數十條傳於時皆登峯巔而渺衆

慮與衍範相表裏善人倫鑒不一爽嘗從書肆見某
所作闡牘序驚曰是不能自容能考終命乎越十五
年果驗銘曰羲圖箕疇經緯明皇哉萬古開羣蒙握
要執樞道以彰降而文勝卮辭興棄本逐末違聖經
矯之已甚失則狂六經註我善惡亡以儒誦儒紛異
同浸淫失守亡其羊先生憂患峻厥防作圖陳義剖
毫芒帝有彛訓儒者當遵

皇之極遊康莊繁星繫天川朝宗用雖未施道已光歿而言
立此其藏

